



Jeste li danas uradili nešto DOBRO? Pomislili na one koji nemaju ništa toplo ili udobno u svom domu, kojima je pomoć potrebna i nemaju nikoga da im pomogne? Donorska kartica je put do dobrog i humanog dijela.

Popunite donorsku karticu

U Bela Vida galeriji moguće je dokazati da socijalno ugroženi ljudi u našoj okolini itekako imaju nekoga ko može da im pomogne. To može biti svaki pojedinac koji ima viška neki komad namještaja i voljan je da ga pokloni nekome kome je zaista potreban.

Zainteresovani mogu popuniti donorsku karticu koja se može preuzeti u Bela Vida galeriji i tako dobiti informacije kako namještaj koji im više ne služi mogu ustupiti socijalno ugroženim osobama. Bela Vida slavi ljepotu života i uz moto 'Život je lijep' nije moguće ostvariti bilo kakvu ideju bez osjećaja da se pri tom nekome i pomaže.

Saradnja sa udruženjem Dobro

Svi oni koji su renovirali stan ili jednostavno imaju namještaj koji ne koriste, u Bela Vida galeriji u Importanne centru mogu upisati svoje podatke i navesti koje su to stvari koje poklanjaju. Udruženje DOBRO će preuzeti brigu o tome kojim porodicama će donirati namještaj, s obzirom da postoji lista svih onih koji bi voljeli nešto da dobiju budući da nisu u mogućnosti da sami kupe.

Posebno treba istaći da Bela Vida Gallery posluje u segmentu uređenja doma, te da se u ovoj branši nalaze mnoge firme koje se bave uređenjem enterijera, prodajom i izradom namještaja. Želja je da se apeluje i na poslovna lica, kompanije i preduzeća koja se također mogu odazvati akciji DOBRA tokom cijele godine.

Sve informacije o udruženju mogu se dobiti preko njihovog zvaničnog sajta www.dobro.ba